



Til dagblaða, fréttastofa
og fjármálastofnana

Fréttatilkynning
28. nóvember 2008

**UNDIRRITUN SAMNINGA Í TENGLUM VIÐ
ÚTGÁFU RÍKISVERÐBRÉFA OG
VIÐSKIPTAVAKT Á EFTIRMARKAÐI**

Í morgun var skrifað undir samninga hjá Seðlabanka Íslands í tengslum við útgáfu ríkisverðbréfa og viðskiptavakt á eftirmarkaði. Markmiðið með samningnum er að viðhalda aðgengi ríkissjóðs að lánsfé og efla verðmyndun ríkisverðbréfa á eftirmarkaði.

Frá 1. desember 2008 hafa fimm fjármálastofnanir heimild til að kalla sig „aðalmiðlara með ríkisverðbréf“. Þær eru: MP Banki, Nýi Glitnir, Nýi Kaupþing banki, NBI (Landsbanki Íslands), og Straumur-Burðarás Fjárfestingarbanki.

Helstu atriði samningsins eru þessi:

- Aðalmiðlarar hafa einir aðgang að útboðum ríkissjóðs.
- Aðalmiðlarar hafa einir aðgang að verðbréfalánum sem Seðlabanki Íslands veitir fyrir hönd ríkissjóðs.
- Aðalmiðlari skuldbindur sig til að setja fram tilboð í útboðum ríkisverðbréfa fyrir a.m.k. 100 milljónir króna að nafnverði.
- Aðalmiðlari er viðskiptavaki á eftirmarkaði fyrir alla markflokka ríkisverðbréfa og setur fram kaup- og sölutilboð að lágmarki 50 m.kr. að nafnvirði í hvern flokk í OMX Norrænu kauphöllinni á Íslandi.
- Aðalmiðlari skuldbindur sig til þess að halda verðmun kaup- og sölutilboða innan tiltekinna marka sem nánar eru skilgreind í samningunum.
- Aðalmiðlara er skylt að endurnýja tilboð sín innan 10 mínútna frá því að þeim hefur verið tekið. Ef aðalmiðlari á viðskipti á einum viðskiptadegi fyrir 300 m.kr. að nafnvirði í tilteknum flokki er honum heimilt að víkja út frá hámarksmun kaup- og sölutilboða þann dag.
- Samningurinn gildir frá 1. desember 2008 til 31. maí 2009.

Meðfylgjandi er sýnishorn af samningi þar sem fram koma ýtarlegri upplýsingar um réttindi og skyldur aðalmiðlara ríkisverðbréfa.